



Inatsisartunut ilaasortamut  
Eqaluk Høegh  
Inuit Ataqatigiit)

20-12-2022  
Suliap normua. 2022 - 25523  
Allakkat 22057497

Postboks 260  
3900 Nuuk  
Oqarasuaat (+299) 34 50 00  
Nassitsigasuaat (+299) 34 66 66  
E-mail: iian@nanoq.gl  
www.naalakkersuisut.gl

## **Suliaq meeqqat tapersorneqarnissaanut tunngasoq § 37-imut apeqquteqaat nr. 221-imut akissuteqaat**

Asasara Eqaluk Høegh.

Apeqqutinut qujanaq. Apeqqutigineqartut tullinnguuttuni ataasiakkaarlugit uteqqinneqarpat akineqarlutillu.

### **1. Naalakkersuisut Inatsisartut Ombudsmandiata meeqqat tapersorneqarnissaanut tunngasoq Qeqqata Kommunia sakkortuumik isornartorsiuinera novembarip 14-iani 2021-minngaanneersoq qisuariarfiginikuuaa?**

Naalakkersuisut inunnut ataasiakkaanut tunngasunik suliassaateqanngillat, uani minillugit Kalaallit Nunaata avataanut inissiiñissanut tunngasut takuuk Inatsisaartut inatsisaat inuit innarluutilinnut tapersorneqarneq kiisalu meeqqat tapersorneqarnissaat pillugu Inatsisartut inatsisaat. Inuit pillugit inunnik ataasiakkaanik suliaqarnerit kommunit suliassarivaat inunnik isumaginninnermut inatsit attuumassuteqartoq takuuk.

Nakkutilliisoqarfik inunnut ataasiakkaanut tunngasunik suliaqarsinnaavoq, pissutissaqartutut nalilerunikku takuuk Isumaginninnermi suliassaqarfimmi nakkutilliisarneq pillugu Namminersorlutik Oqartussat nalunaarutaat nr. 49, 31. august 2021-meersooq.

- a) Taamaattoqarsimappat qanga Naalakkersuisut iliuuseqarpat?
- b) Naalakkersuisut qanoq iliuuseqarpat?

Qulaani akissut innersuussutigineqarpoq.

Suliap tamassuma suliarineqarneranut kukkuneq Naalakkersuisut soorunalimi ilungersunartutut isigivaa, taamaattumik kukkunerit tamakku pinngitsoortinniarnert pillugit Naalakkersuisut kommunit pikkorissaanernit, ilitersuinernit nassuiaanernillu ikiorpaat.

Inussiarnersumik inuulluaqqusillunga



Mimi Karlsen